

Te Pāngarau

Te Tautuhinga Aromatawai ā-Waho 2025



Te Paerewa	32412
Te Ingoa o te Paerewa	Te whakamahi pāngarau hei whakaoti rapanga o te ao o te ākonga
Ngā whiwhinga	E 10
Te Marau	Te Marautanga o Aotearoa: Te Pāngarau
Te Wāhanga Ako	Te Tukutuku Ako
Te Tukanga Aromatawai-ā-waho	Tūmahi Aromatawai Pātahi (TAPā)
Ngā Rā Aromatawai ā-waho	Te Wāhanga 2: Te 19–30 o Mei, 2025 Te Wāhanga 3: Te 25 o Akuhata–5 o Hepetema, 2025
Te Roa o te Aromatawai ā-waho	90 meneti
Te Wātaka Aromatawai ā-waho	Examination timetable and assessment dates 2025

Te Tūmahi Aromatawai Pātahi (TAPā)

He Aromatawai ā-waho te Tūmahi Aromatawai Pātahi (TAPā), ka whakaritea ōna tūmahi, ka mākahia hoki ngā urupare a te ākonga e Te Mana Tohu Mātauranga o Aotearoa (NZQA).

Te Taha Whakahaere TAPā i te Kura

- Ka whakahaerehia te TAPā e te kura, i te kura; waihoki, e te whareako paetoru, i te whareako paetoru rānei i waenganui i 'Ngā Rā Aromatawai'.
- Mā te Mana Tohu Mātauranga o Aotearoa te taupānga rorohiko e whakawātea, e aukati hoki i ia rā o 'Ngā Rā Aromatawai'.
- Ka whiriwhiria t/ētahi o ngā rā aromatawai e tū ai te TAPā i te Wāhanga 2, i te Wāhanga 3 rānei. Ko ēnei ngā rā i tohua mai ai e te kura i te rēhitatanga o ngā ākonga ki te Paerewa nei.
- Hei waenga i te 8.30 (i te ata) me te 5.30 (i te ahiahi) ka whakawāteahia te taupānga rorohiko (te Assessment Master) e whakaoti ai ngā ākonga i te TAPā.
- Ka āta whakaritea tētahi/ētahi wāhi motuhake (he rūma nui, he akomanga) me ngā rauemi; kaiwhakarato ipurangi, he rorohiko, he pokitaringa, he tēpu, he tūru, he pepa ōhio manomano, he pene hoki.

- Ka āhua 60 meneti te roa o te TAPā, kei te ākonga ngā haora katoa o taua rā i whiriwhiria hei whakaoti TAPā māna. Heoi, me whakaoti te ākonga i te TAPā i taua rā tonu, i mua i te aukatinga o te taipānga rorohiko.

Te Whakatakotoranga Aromatawai

He Tūmahi Aromatawai e ārahi ana i te ākonga ki te whakatutuki i te Whānuitanga o ngā Paearu Mahi me ngā Putanga Ako. Mā konei e puta ai te ihu o te ākonga i tēnei Paerewa.

Ka whakamahi pāngarau hei whakaoti rapanga mō te ao o te ākonga, ā, ka whakakaupapahia ngā pūāhua, ka whakamahia ngā tikanga pāngarau, ka whakamāoritia hoki te whaitake o ngā urupare pāngarau ki ngā pūāhua.

Ka urupare te ākonga ki ngā pātai e pā ana ki ngā wheako ka hua ake i ngā kawenga o ia rā, pēnei i te kāinga, i te whānau, i te wāhi mahi, i te hapori, tae atu ki ngā mahi me ngā kaupapa whaiaro. Ko ngā whakautu, he whakautu whirirau, he whakautu poto rānei.

Ko te reo Māori anake te reo o te TAPā nei, ā, kia Māori hoki te reo o ngā whakautu a te ākonga.

Ngā Taputapu

Me mātua whai tauine (ruri), tātaitai anō hoki te ākonga. Kei te pai te tātaitai arowhānui (kāore ōna āheinga pūtaiao, ōna kauwhata rānei), otirā e pai ana ngā tātaitai katoa kei te Rārangi Tātaitai e whakaaetia ana.

Ngā Herenga Aromatawai

Me whakaoti te ākonga i tēnei TAPā ki mua i te aroaro o te kaiako, ā, me whai hoki ngā ture o te aromatawai ā-waho:

- I te wā o te aromatawai, me aro anake ngā ākonga ki ngā rauemi kua whakaaetia mō te aromatawai.
- Kāore e whakaae te kawē tuhinga kē, te kawē rauemi tautoko kē rānei ki roto i te rūma whakamātautau.
- Ka 90 meneti noa te roa ki te ākonga ki te whakaoti i tēnei TAPā. Mō te tūpono ka raru te ipurangi, ka tukua hoki he kape ā-pepa.
- Me tuhi i ngā kōrero ki te reo Māori anake.

[About digital external assessment: NZQA.](#)